

Sead Jahić, profesor geografije - Magistarski rad

Fakultet/Akademija	PRIRODNO MATEMATIČKI FAKULTET
Tip Rada	Magistarski rad
Kandidat, zvanje	Sead Jahić, profesor geografije
Naziv Teme	STEĆCI NA PODRUČJU SREBRENIČKO-BRATUNAČKOG KRAJA I MOGUĆNOST NJIHOVE VALORIZACIJE U TURIZMU
Rezime/Abstract	<p>U ovom radu su na osnovu terenskih istraživanja i konsultacije stručne i naučne literature prezentirani podaci o stećcima Srebreničko-bratunačkog kraja, njihovom brojnom stanju, očuvanosti, zastupljenosti vrsta i oblika, zatim ukrasnih motiva, horizontalnoj i vertikalnoj rasprostranjenosti, o njihovoj historiskoj i kulturološkoj vrijednosti, te mogućnostima njihove valorizacije u turizmu. Nekropole stećaka Srebreničko-bratunačkog kraja predstavljaju neodvojiv dio kulture i kulturnog izražavanja srednjovjekovne Bosne i Hercegovine. Stećci predstavljaju kamene nadgrobnike, različitih oblika, koji su klesani i postavljeni širom Bosne i Hercegovine, kao i u pograničnim područjima Srbije, Crne Gore i Hrvatske, u periodu od kraja XII do kraja XVI vijeka. Na području Srebreničko-bratunačkog kraja zastupljeno je 87 nekropola-lokaliteta u kojima se nalazi 1956 stećaka. Ovaj broj u prošlosti je bio znatno veći, ali je postepeno smanjivan antropogenim djelovanjem kao i djelovanjem atmosferilija. Nekropole stećaka najviše su zastupljene u istočnom i sjeverozapadnom dijelu Srebreničko-bratunačkog kraja, odnosno u Osatu i Ludmeru. U ovim predjelima se nalaze nekropole sa najvećim brojem stećaka koje su međusobno različite kako po zastupljenim oblicima nadgrobnika, tako i po vrsti i broju ornamenta, ali i njihovim dimenzijama. Najveći broj nekropola stećaka u Srebreničko-bratunačkom kraju sadrži od 10 do 30 nadgrobnika, dok su po broju stećaka najbrojnije nekropole koje sadrže od 30 do 60 stećaka. Najviše nekropola se nalazi na nadmorskoj visini između 600 i 900 m, a najmanje na nadmorskoj visini iznad 900 m. Stećci u obliku stubova najviše su rasprostranjeni u Ludmeru; na njima se ujedno nalazi i veliki broj reljefnih motiva od kojih su najbrojniji biljni ili vegetabilni. Stećci na području Osata su brojni, a odlikuju se raznovršnošću oblika, naročito u obliku sljemenjaka i sanduka. Stećci na području Osata najviše su ukrašeni motivima oružja i astralnim motivima. U ovom predjelu se nalaze i najkrupniji primjerci stećaka u BiH. Podaci o nekropolama stećaka prikupljeni našim istraživanjem predstavljaju važnu polaznu osnovu za njihovu valorizaciju u turizmu, ali i za njihovo očuvanje kao važnog dijela kulturno historijskog naslijeđa ovoga kraja i BiH. Iako su nekropole stećaka na području Srebreničko-bratunačkog kraja izuzetno zanimljive za turističku valorizaciju, turističku ponudu potrebno je pored nekropola stećaka zasnivati i na drugim kulturnohistorijskim vrijednostima, zatim zdravstvenom turizmu, vjerskom turizmu kao i drugim sličnim vidovima turizma za koje postoje objektivne mogućnosti razvoja. S tim u vezi neophodno je urediti nekropole stećaka za turističku ponudu, obilježiti turističkom signalizacijom, te izvršiti njihovu adekvatnu promociju. Ključne riječi: Srebreničko-bratunački kraj, nekropola, stećak, valorizacija, turizam, kulturno-historijsko naslijeđe, očuvanost, ornament, oblici, reljefi, motivi.</p>
Datum	28.02.2013
Predsjednik	Dr.sc. Alija Suljić, vanredni profesor, predsjednik Uža naučna oblast „Antropogeografija“ Prirodno-matematički fakultet Univerziteta u Tuzli
Mentor	Dr.sc. Salih Kulenović, profesor emeritus, mentor i član Uža naučna oblast „Antropogeografija“ Prirodno-matematički fakultet Univerziteta u Tuzli
Član komisije	Dr.sc. Sabahudin Smajić, docent, član Uža naučna oblast " Fizička geografija" Prirodno-matematički fakultet Univerziteta u Tuzli
Član komisije	-
Član komisije	-
Zamjenski član	Dr.sc. Alma Kadušić, docent, uža naučna oblast „Antropogeografija“ Prirodno-matematički fakultet Univerziteta u Tuzla
Dodatni detalji i lokacija	Četvrtak 28.02.2013. godine u Sali broj: 111 Prirodno-matematičkog fakulteta sa početkom u 10,00 sati
Zavrsne Odredbe	Pristup javnosti je slobodan. Magistarski rad se može pogledati u Sekretarijatu Farmaceutskog fakulteta Univerziteta u Tuzli, radnim danom od 8,00 do 16,00 sati.